

Sel Prestuhn
Henry B. Eyring

Mwet in Kahsruh Se Met
ke Prestuhnsi Se Met



Sucu ac Kawuck Ne Tok

Acn nuh kwewa kom muhta we an, oasr kawuck lom suc suk ke mwe engan yohk ma kom sokwack ke moulkihn wosasuc fohlohkyak luhn Jisus Kraist. Sahrp elos koflah ahkuhtweyac ke kahrp mwe engan sacn, tuhsruhk elos kuh in akihlen ke elos liye ke moul lom an. Elos ac fah semuhtweng in lutluti-kihn kuhfa luhn mwe engan sacn, yohkna ke elos liye lah kom sun ma upac oacna elos.

Kom puhla mwe engan ke kom liyacacng masap luhn God uh. Pa ingacn mwe in sewowo uliyucklac ke moulkihn yacn wosasuc (liye Mosiah 2:41). Kom tiac oaru in ahkos masap luhn Leum in liyeyuck sin mwet sahyac, tuhsruhk elos suc tuni mwe engan lom uh pa ahkoeyucklac sin Leum in lohng pweng wo ke Fohlohkyak luhn wosasuc uh.

Mwe in sewowo ma utuckot nuh sum tari an orwac- lah kunohkohn ac pacl na wolacna nuh sum. In oa sie mwet tuhma lutlut olweacng luhn Jisus Kraist, oreklac kom in tahfwelah nuh sin mwet sahyac sie pacl wowo in suk mwe engan yohk, yohk na nuh sin kawuck lom an ac mwet ke sucu lom an.

Leum El liye pacl wowo lom ac ahkuhtweyac kunoh- kohn ke El fahk lah ma kunen mwet nuh kwewa suc sensenackihnyuck tari nuh se in sensenkihn nuh sin mwet tuhlan la an (liye D&C 88:81).

Leum El ahkfihsracsryelah masap sac in ahkosyuck ke eklac se ma sikyak ke insiyom ke kom eis ac moulkihn wosasuc luhn Jisus Kraist. Sahflahiyac ah, luhngse lom nuh sin mwet sahyac an kapwack, oacna kena lom nuh

selos in eis mwe engan se pacna kom puhlakihn an.

Sie mwe srihkasrak ke eklac sac pa ohiyacn paing lom nuh ke pacl in kahsruh orekma luhn misineri luhn Leum. Misineri ke pacl nuh kwewa sa etwacack lah elos kuh in motko in eis sin sie mwet eklac na pwacye top kuhlwacng ke elos siyuck selos ke mwet in luti. Mwet ma eklac wo uh kena kawuck ac mwet ke sucu in akacsruhi ke mwe engan lalos.

Ke mwet kol ke misin luhn ward kuh misineri uh siyuck ke inen mwet in luti uh, mwe kaksyak yohk se nuh sum. Elos etuh lah kawuck uh liye tari mwe engan lom uh ac, pwacn wacng, kawuck ingoh ahkolah tari in lohng ac sulaclah in eis wosasuc. Ac oasr puhla wo lalos lah kom ac fah kawuck ma elos ac fah enenuh ke elos eklac mwet ke Alu uh.

Kom tiac enenuh in sahngweng lah ac wacngihnlac kawuck lom ke kom suli misineri uh in sonolos uh. Oasr kawuck luhk suc tiac luhngse misineri uh tuh- sruhk kulohkihn nuh sihk ke yac pucspucs ke nga sang nuh selos sie ma elos etuh lah sacohk na pwacye nuh sihk. Kom kuh in kawuck ne tok ke tuhkahkihn wosa- suc uh, suc elos liye lah usot mwe engan lom. Nimet sislah sie pacl wowo in suli sie kawuck an ac yohkna nuh sin sie mwet ke sucu in sulaclah in ukwe plwacn luhn mwe engan uh.

Wacngihn pacl wowo yohk nuh ke solsol sacn liki na lun tempuhl luhn Alu uh. We Leum El kuh in sang akwuck luhn molwelah nuh sin mwet mahtuh lasr suc tiac kuh in eis ke moul uh. Elos ngweti nuh yurum ke

luhngse ac finsrak. Leum El olwelah tari lah ac fah oasr pacl wowo lalos in tuhkuh nuh in tohkohsrahi Lal (liye D&C 137:7–8), ac El kahsrwe kom in puhla luhngse nuh selos.

Puhs suwos puhla tari engan ke sang akwuck ke tempuhl nuh sin mwet sahyac, oacna ke kom oruh ke kom sang inen mwet nuh sin misineri in ohsun nuh se uh. Kom puhla tari finne engan yohk in oruh akwuck uh nuh sin mwet mahtuh lowos an. Tuh ahkkahlwemyeyyuck nuh sel Mwet Pahluh Joseph Smith lah mwe engan ma pahtpaht lasr uh kuh in oasr kuht fin sang nuh sin mwet mahtuh lasr inkacnek se in eis mwe insewowo sacn ke akwuck luhn tempuhl nuh sin mwet misac (liye D&C 128:18).

Pacl in Krismas oruh kuht in motko ke nuhnak loal ac puhla lasr ke Mwet Lahngo ac engan ma wosasuc Lal use nuh sesr uh. Kuht ahkkahlwemye wo srui lasr nuh Sel ke kuht sang mwe engan sac nuh sin mwet sahyac uh. Srui eklac nuh ke engan ke kuht sang ine nuh sin misineri uh ac ke kuht us inen mwet mahtuh lasr nuh ke tempuhl uh. Kahlwemyacn srui lasr uh kuh in oruh kawuck ac sucu lasr uh in ma ne tok.

LUTI KE PWENG SE INGE

Prestuhn Eyring el ahkuhtweyac lah kuht kuh in ahkkahlwemye srui lasr uh nuh sin Mwet Lahngo in akacsruhi ke wosasuc nuh sin mwet sahyac uh. Kowos kuh in sramsramkihn nuh selos suc kom luti an ohiyac ma mwe sang luhn wosasuc ahkinsewowoye moul lalos uh. Nuhnkuh in solwachtahl in pruhe in akihlenuhlos suc elos kena akacsruhi mwe sang luhn wosasuc nuh se uh ac ohiyac elos kuh in oruh kac uh.

TUHLIHK SRIHSRIHK

Akacsruhi Fahkwack Luhlahlfongi Lom

Kom kuh in akacsruhi mwe sang luhn wosasuc ke Krismas se inge in sang sie Puk luhn Mormon an nuh sin sie kawuck kuh mwet tuhlan lom an ma fahkwack luhlahlfongi lom an sihm lac kac. Ukwe oruh inge in ahkolah:

1. Ke sie ipin pwepuh an, srihkeyac sie pohk oasrihk-srihk loes an ke insis $4\frac{1}{2} \times 6\frac{1}{2}$ kuh ($11\frac{1}{2} \times 16\frac{1}{2}$ cm)

ac sang sie mwet mahtuh an in kahsrwe kom suhpuklah.

2. Sang sie petsac keim sifacna an—finne sie sroal an kuh sie ma petsac lah—ac lucng ke pwepuh sacn.
3. Suhmuhsrah fahkwack luhlahlfongi lom an ye petsac se lom an.
4. Sang sie mwet mahtuh an in kahsrwe kom fulusyac pwepuh sacn lun kulun Puk luhn Mormon an.

MWET FUHSR

Yac Nga kuh in Akacsruhi ke sie Puk luhn Mormon?

Sel Josh Arnett

Ke yac se emet luhk ke high school ah, mwet luti luhn seminary luhk ah suli kuhlahs luhk ah in sang kapi luhn Puk luhn Mormon nuh sin kawuck ma tiac mempucr uh. Nga ne mwekihn na pwacye, nga eis solsol sac.

Nga sislah lwen ekahsr in puhlaikyak, tuhsruhk kais kuhtuh na ne nga sang nuh sin kawuck se luhk ah Britny puk se ke pacl in mongo in infulwacn lwen ac oruh fahkwack luhlahlfongi fototo se. Britny el fahk kuloh nuh sihk ke puk sac.

Ke sahflahiyacn yac sac, Britny el mukwilac, tuhsruhk kuht srwackna asramsrami. El sruhmuhn nuh sihk lutlut lal ah ac lah apkuhran in kawuck lal nuh kwewa mempucr ke Alu uh, tuhsruhk el tiac wi sramsramkihn kuhtwena ma ke ip luhn nguhn nuh sihk.

Eklac met liki nga som nuh ke misin luhk ah. Nga eis pweng se sel Britny fahk lah oasr pweng na yohk srihpac se lal nuh sihk: el ac pacptaislac, ac el ke fahk kuloh nuh sihk ke nga kawuck nuh sel ac oruh sie mwe srihkasrak wowo.

God El sang tuhlihk mukul mwekihn matwac 15 se ma wacngihn etuh luhn misineri la ac kohlohllah in akacsruhi ke wosasuc nuh sin mwet se El etuh ac insese nuh kac. Nga etuh lah in porongo ke Nguhn, kuht nuh kwewa kuh in sokwack mwet rauni kuhtlac suc ma tuhpan in lohng wosasuc fohlohkyak sac. Nga etuh lah kuht fin kahsruih in use finne mwet se nuh yurin Leum, engan lasr uh ac wo yurin mwet sacn ke tohkohsrahi luhn Pahpah tuhmasr! (liye D&C 18:15).

Mwet sihm se muhta fin acn Washington, USA.



Misin Muhtahl luhn Jisus Kraist: Wen Kuloh Sefanna

Luhlahlfongi, Sucu, Kahsruh

Pruhe in luthukihn kuhfa inge ac suk in etuh ma in akacsruhi kac. Etuh moul uh ac misin luhn Mwet Lahngo ac ahkyohkye fuhkah kuh in luhlahlfongi lom Kacl ac ahkinsewwoye mwet kom liyacacng ke forfor luti uh? Nuh ke kuhtuh pac ma in etuh, som nuh ke reliefsociety.lds.org.

Pa inge ip se ke Pweng ke Forfor Luti ma liyeyuck ke ma nuh kwewa ke misin luhn Mwet Lahngo.

Mwet Lahngo lasr, Jisus Kraist, El pahngpahng Wen Kuloh Sefanna ke srihpen El pa mwet sefanna fin facluh ma isuslac sin ninac fin facluh se ac Pahpah moul ma pahtpaht se. El usrui kuh muhtahl sin God, Pahpah Tuhmwacl. Sel Mary, ninac Kiyacel, El usrui moul sukawihl ac enenuh in puhlakihn masrinsracel, maluh, tohtohlah, ngal, ac misac.¹

Ke srihpen Jisus Kraist pa Wen Kuloh Sefanna nuhtin Pahpah, El kuh in sang moul Lal ac sifil pac eis. Ma suhmuhslah uh luti lah ke iwacalah luhn Kraist, kuht eis sifil moulyak (liye Jacob 4:11). Kuht etwacalah pac ke ma suhmuhslah uh lah mwet nuh kwewa kuh in moulyak ke moul kawihl ac eis moul ma pahtpaht elos fin luhlahlfongi (liye D&C 29:43).

Ke kuht ac etwacalah wo kal-meyac nuh sel Jisus in Wen Kuloh Sefanna nuhtin Pahpah, luhlahlfongi kuh lasr ke Kraist fah yohkwelihk. Elder D. Todd Christofferson ke U luhn Mwet Sap Singucul Luo el fahk, “Luhlahlfongi ke Jisus Kraist

pa luhlahlfongi kuh ac ahkpwacye ke (1) Ohiyacl in oacna Wen Kuloh Sefanna nuhtin God, (2) Iwacalah wacngihn sahflahiyac Lal, ac (3) Moulyak pwacye se Lal ah.”² Mwet Pahluh ke pacl inge fahkwack kac: “[Jisus Kraist] pa . . . Wen Kuloh Sefanna ke mahno, Mwet in Molwelah luhn facluh.”³

Ke Ma Suhmuhslah uh

Liye John 3:16; Doctrine and Covenants 20:21–24; Moses 5:6–9

Ke Sramsram Mahtuh Lasr

Ke Wuhlweacng Sasuc kuht riti ke muhtwacn, suc kuhtuh ine kuht etuh ac kuhtuh kuht nihkihn, suc ahkpahye luhlahlfongi kuh ke Jisus Kraist, etwacalah ac moulkihn mwe luti Lal, ac fahkwack ke luti, usrnguck, ac fuhlwact Lal. Muhtwacn inge orwacalah mwet tuhma lutlut suc oruh mwe srihkasrak wowo ac mwet lohoh yohk srihpac ke orekma luhn molwelah.

Nuh ke mwe srihkasrak, Martha el oruh fahkwack luhlahlfongi fokoko ke muhtahl luhn Mwet Lahngo ke el fahk nuh Sel, “Nga

luhlahlfongi lah kom pa Kraist, Wen nuhtin God, el suc God El wuhlwealah kac muh ac tuhkuh nuh facluh.” (liye John 11:27).

Kuhtuh sin mwet lohoh emet ah ke muhtahlacna luhn Mwet Lahngo pa ninac Kiyacel ah, Mary, ac Elisabeth kuhsin lal. Pacl fototo tukun lihpufacn Gabriel el muhtwacta yohrohl Mary, el muhtwacta yohrohl Elisabeth. Ke pacl se na ma Elisabeth el lohng kihsen paing lal Mary ah, Elisabeth “el sesseslah na ke Nguhn Muhtahl” (liye Luk 1:41) ac oruh fahkwack luhlahlfongi lah Mary lac ninac nuh sin Wen nuhtin God.

MWE KAHSRUH

1. Liye *Gospel Principles* (2009), 52–53.
2. D. Todd Christofferson, “Building Faith in Christ,” *Liahona*, Septempuh 2012, 13.
3. “The Living Christ: The Testimony of the Apostles,” *Liahona*, Eprel 2000, 2–3.

Meac Nga Kuh In Oruh Uh?

1. Efuh kuh yohk srihpac nuh sihk in kahlwem ke kunohkohn luhn Jisus Kraist?
2. Luhlahlfongi lasr kuh in ahkyohkyeyuck fuhkah ke kuht karihngihn wuhlweacng lasr uh?